

बुङ्गम लोकेश्वरया म्ये मुना



★ मुंम्हः छत्रबाहादुर कायस्थ ★

बुंगम लोकेश्वरया म्ये मुना



मुंम्ह

छत्रबहादुर कायस्थ



पिकाक

साहित्यया मूलुखा

बखुंवाहाः, यल ।

पिकाकः साहित्यया मूलुखा

बखुंवाहाः, यल ।

सफूया हामाः मुंम्ह

न्हपांः ५०० न्यासः
मूलुखाया २० दँ बुदिया लसताय्

मू : साधारण ४१-
भूमिका नापं दुगु १०१-

थाकुयिः जोशी मुद्रणालय (प्रा.) लि.
३१ क्वाको, यल ११

पिकाक पाखें

भाषा साहित्य संरक्षण, सम्बर्धन व उत्थान यायेगु ज्याइवल्य्
प्राचीन साहित्य पिथनेगु थौया आवश्यक खः । थ्व हे खें वा चायेका
मूलुखा पाखें प्राचीन साहित्य पिथनेगु ज्या जुया च्वंगु खः ।

मूलुखाया २० दँ बुदिया लसताय् छगू प्राचीन ग्रन्थ पिथनेगु
ज्या जूगुदु । थ्व ग्रन्थ या नां खः “ बुंगम लोकेश्वरया म्ये मुना ” । थ्व म्ये
मुना दचूम्ह यलया नां दंम्ह साहित्यकार भाजु छत्रबहादुर कायस्थ खः ।
वयकःया कुतः च्छाय् बहजू । वयकलं सफू पिथनेत मूलुखायात लःल्हाना
दचूगुलि वयकःयात व थ्व सफू पिथनेगु ज्याय् ग्वहाति यायेगु नापं देवः
थःगुहे पाखें छापे याना बिया दचूम्ह भाजु मुकुन्द माहाजु यातनं सुभाय्
देखाना ।

सानुकाजी शाक्य

ल्यू छयाञ्जे

ने. सं. ११०२ श्रावण १४ गते

रोहिणीबहादुर कायस्थ

छयाञ्जे

साहित्यया मूलुखा

जिगु छत्वाःचा खँ

भाषा- साहित्यया दुने नं इतिहास सुलाच्चगु दई । उकि प्राचीन
साहित्य संरक्षण जुइमा । गुकि देशया इतिहास च्वेगुलिइ बः बिइ ।
श्वहे मनं तुना प्राचीन साहित्य मालेगु कुतः याना च्वनागु खः ।
श्व म्ये मुना सफू नं श्व ज्याया छगू लव घाःसां जिउ ।

श्व म्ये सफुतिइ दुध्यागु म्ये कवय् न्हयनागु पुलांगु हस्तलिखित
भजन सफुति ल्हाय्यागु खः ।

१, यल चक्रवर्तीया बिष्णुलाल ताम्रकारयाके च्वगु भजन सफू ।
२, यल हाँगःया सुबर्ण " प्वाःस्या " ताम्रकारयाके च्वगु
भजन सफू ।

३, नसं दाफा खलः हाँगलय- च्वगु भजन सफू ।

४, जिगु संकलनय् दुध्यागु भजन सफू ।

थःके दुगु भजन सफू कयना श्वहालि याना द्यूपिस्त सुभाय् !
थुकिइ दुमथ्यानिगु म्ये कयना दिल घाःसा वयकःपिस्त सुवा विवेगु
नापं मेगु संस्करणय् दुध्याके । अस्तु ।

—छत्रबहादुर कायस्थ

ने. सं. ११०२ श्रावण १४ गते

बलुबहाः, यल ।

राग बगलि ॥

अरून बरून म्हातेज सुरजया त्यजन सम्पूर्ण
वम्हया नुगल करुनाया मनया उधाल
भजन याय मफुत वम्हया ॥

जय जय त्रैलोक्यनाथ उधाल याव न्हां ॥धु॥

अथिल संसालस मनुख जरमस

मफया छिगुलि भजन न्हां ॥

बालख समयस खेललपे अतिरस

पाप पुन्य बिबेक मयाक न्हां ॥१॥

जौभन समयस विखय अतिरस

धरम वस गुन हित न्हां ॥

धनया कारनस अनेग धंदास

मलु मन छिगुली भजन न्हां ॥२॥

बृधया सलिलस जरम हिनस

खनव यो जर्मया दुवाल न्हां ॥

भगति मफु सिस्य दुख नया त्रासन

वन यो जर्मया दुवाल न्हां ॥३॥

मछिन्दरनाथ त्रिभुवन रक्षा याक

सिस्तिथिस्ति जलबिस्ती याकन्हां ॥३॥

अग्यानिम्ह स्वस्य करुनातस्य छिन

याहुन्य जगत उधाल न्हां ॥४॥

★

(सुवर्ण प्वाः स्या, नसंदाफा सफू)

राग कौराओ ॥ चो ॥

रसन वन जओन रे माजुया बचन नेसे रे ॥
रतन मानिक पुर हेर मुति स्वय ॥ धु ॥
मछिंदर चरनस रे मनया रसन ओने रे ॥
रिधि नरसिंह न अनु गुण ल्हाय ॥

(सुवर्ण प्वाः स्या, नसंदाफा सफ,)

राग कौला ॥ ज ॥

जय जय चरन श्री करुणामय ॥ धु ॥
अतिन सुन्दर अरुनन,
तेज सुरज समान रे ॥
सीलस अम्नीताभ तथागत तयाव
रसन दनाव बिज्याक ॥ १ ॥
सिलस तत किकिस्वान तयाव
लुया चिथन तिनाव रे ॥
न्हसस कुन्दल हेल मनिकया
मोतिया हालन तीयाव ॥ २ ॥
गलस कोखायाव सत्य नागराजा
तयाव रसन बिज्याक रे ॥
मिखाजा पत्य हल पति बान
अतिन स्वभान बिज्याक ॥ ३ ॥
छिपाली निपालीस देबण जोनाव
अनेग जप तप ध्यान रे ॥
प्रानी दको यात लंखलपाव
जगत उधार याडाव ॥ ४ ॥
ल्हाकम्ह यागु फुतकि पाप थुलि
चरन छिपालीया आशा रे ॥
नेपालया छत्र पती राजा
सिरी निवास न ल्हाक ॥ ५ ॥

राग रामकरि ॥ ताल एक ॥

भगतन भज याता प्राभु भगवान
 धरमया स्वामि दीननाथ ॥ १ ॥
 मछिंदर महि पति नाम लोकनाथ
 न्याम्ह गुरु ब्रम्हमती अन प्रतीपार ॥ २ ॥
 कालजस वम्ह म्हया पाप करथम
 हेत्य मदु पायी मन सकाव सुनान ॥ ३ ॥
 थथिडाम्ह लोकनाथ सिवा फछि याक
 श्री निवासं बृंग साल लोक सलताव ॥ ४ ॥
 क्षती गण सुवछाला न्यपाल बछाला
 अन राजा हरिहर छु भय व देव ॥ ५ ॥
 रछिमिया गति पति तल तव आसा
 चरनया क्रिपाधारी सिरिनिवासदेव ॥ ६ ॥



राग बलारी ॥ ए॥

भूलोक भुवन लोक भुवनस ज्यासे तयारथ ॥
 महालोक जनलोक तपलोक सत्यलोक श्व ॥ १ ॥
 श्व मंदलया नुगलस तव दीप माल ॥
 प्रथम जात्रा वसया बाहाल गाल ॥
 रथया पादु प्यम्ह देवी हतततं न्हिल घलचाक ।
 हाकुसुन स्वानतल नन्यावथें स्वसाल ग्याक ॥ २ ॥
 पृथ्वीया शवदनं त्रिभुवन कंपमान
 लोक नाथया जातरास जुल लोक स्वव ॥ ३ ॥
 वस जात्रा स्वकम्हन सलफाव मचाव ॥
 वस जात्रा स्वकम्हन न्हि चा वड मचाव ॥ ४ ॥
 सुरपुज्या जातरास लगनस माजु उलि सोय
 व दरसन व व्यलस पाप फुयु तव आशा ॥ ५ ॥
 प्यम्ह देवी पुतनन साल तोलताव रे ॥
 चागलन रथ न्ह्याये जातकन चिडाव रे ॥ ६ ॥
 कर्कीतकया फणीचोस जुल रे जाजुल्यमान ॥
 सुर्यकोती तेजज्योति ईश्वरया बिमानया बान ॥ ७ ॥
 लोभ मोह पाप फुतके वसजात्रा स्वय मन आश ॥
 लोकनाथया नामकास्य रथया वर्णधाल श्रीनिवासं ॥



राग जय श्री ॥ चो ॥

सना ॥ संपुरन ब्रम्हालिन जुल रे । धु ।
 छलपोलया रुप सुनां सियु रे
 साधु जन साधु पेम्ह स्वमिसेन वम्ह सियु रे ॥१॥
 दस दस दसकरम दरसन रे
 सुरज्य कोति छलपोलया गथि तेज रुप रे ॥२॥
 संष चक्र गदा परम धरलपु रे
 तिसुर दमद धरलपु जताधारी छल रे ॥६॥
 बुध रूप धरलपु धरम लाज रे
 आगम बिज्याक थास काम रूप रे ॥४॥
 देवराजा छि मतुक सिर स्वभा रे
 गंगा उन परे हल न्हस काल रे ॥५॥
 स्थिति संहार करता छलपोल रे
 मुत लछिमि भाजु धाया अनत सगति रे ॥३॥
 वम्ह पति लोकनाथ ब्रम्ह मुरति रे
 छलगोलया बिबाहा स्वय तव रस रे ॥७॥
 आबाहन यात गुरु बंधुदत्त रे
 वा सवया धन्दा काल नलिन्द्र देव रे ॥८॥
 लक्षद्वलन श्री निवासन चिन रे
 छलपोलया रुप सुनां सियु रे ॥९॥

आर्यावर्त लोकेश्वर धायका बिग्याकम्ह ॥धु॥
 आरम्भ वसया दबलि बिज्याना
 सना ॥ चाकजा यात रे ॥
 प्यहान प्येगोल धलप जवनाव
 प्यधार शोरस लाक रे ॥१॥
 प्रथम बंसजा पूचो बिज्याना
 रथया दुने बिज्याक रे ॥
 वगुलि रथजा स्वये धकाव
 लोकजा अनाथ ब्वाक रे ॥२॥
 वसपोलया रथस घाचन भुनाव
 शोभाजा गथिन्य लाक रे ॥
 वगुलि रथजा चेक चुली धकाव
 लोक अनाथ ग्याक रे ॥३॥
 लोकया हर्षन वलंचो जोनाव
 रथजा घुसुहुन बिज्याक रे ॥
 पंगुलि चाकया शोभा गथिड
 हटटटन न्हिलाव बिज्याक रे ॥४॥
 अनाथ दक्कया आशा छि छम्ह
 त्रिभुवन रक्षा यात रे ॥
 जोगनरेन्द्र मल्लया भाव
 वसपोलया भजन याय रे ॥५॥

राग श्री ॥चो॥

मनन मन्यसे वल यानान पिरति ॥
 जिन सिय धुन आव २
 छलपोलया गति मछिन्द्रनाथ ॥
 मछिन्द्रया स्येवा याय फाचिन अति
 विवेक बिचार याव २
 छलपोलया गति मछिन्द्रनाथ ॥
 कृपा याय तेलो आव आशा बिब भति
 विर नरेन्द्र धाल २
 छलपोलया गति मछिन्द्रनाथ ।

★

(८)

राग-नतक ॥ ताल चो ॥

जय जय मछिन्द्रनाथ
 बिरंचि नारायण स्वयंभु रूप ॥ १ ॥
 करुणामय ओम्ह मछिन्द्रनाथ
 अरुनया उन २ रूप २ लुया उन ॥ २ ॥
 जोग नरिन्द्र प्राभु बिर महाराज
 ललिता पुरिस २ अर्ज परिपुल ॥ ३ ॥

★

राग सारंग ॥ चो ॥

अनाथया नाथ श्री लोकनाथ ॥ धु ॥
 सिलस सरस थिक मतुक मनोहर
 न्हसस कुन्दल थोक मनीमय पाय ॥ १ ॥
 अरुन तरुन उन तेजन समथुल
 पलेहल मिखावान उपमा तयाव ॥ २ ॥
 नाग मणि माला न्हस अपुरुष सुंधर
 गलस कोखास्ये तल स्वानया माला ॥ ३ ॥
 चन्द्रलक्ष्मी पती बिष्णुमल्ल नृपबिर
 धरमलक्ष्मी जीत याहुन्य उधार ॥ ४ ॥

★

राग बिजय ॥ चो ॥

जय करुणामय मछिन्दर नाथ ॥ धु ॥
 बालषमुरज उन सरीलया तेज
 लुया मतुकन सिल पुस्ये
 गजमोती मनीमय २ कोखा नाग म्हस लोव
 मदत वम थिन रूप ॥ १ ॥
 ब्रम्हा आदि देवगन भगतोन
 तन मन खन्याव छि पुरुष पुरान
 मुनी नर नाग भजलपु छि चरन
 पेता पद लात बरदान ॥ २ ॥
 करुना लोक खनाव अति मन रस दन
 तल स्वंगु भुवण हिलाव
 दोलछि म्हुतुया गुन भजलपु छि चरन
 पेता पद लात बरदान ॥ ६ ॥
 देखि चन्द्रलक्ष्मीया बीनती बचन
 दया दस्य नेव भगवान
 ललितापुरिया धनी २ कामना बिष्णु मलया
 पुरय कृपान उद्धार ॥ ४ ॥

राग वलारी ॥ चो ॥

ब्रम्हा विष्णु रुद्र रूप प्रभु लोकनाथ ॥
 आदवस दया दुन बुंग रथस दंडो
 सुयनछि जोगन रथया परीमान ॥ १ ॥
 प्यदि प्यखे घलचाक जोगीनीया बान
 प्यम्हसीखे घल नायक तालया भ्येस ॥ २ ॥
 कर्कोतकया फणिचोस ख्वाल भइरब बान
 सुवर्णया बिमानस प्रभु बिज्यानाव ॥ ३ ॥
 छत्रधारी विष्णु मल्ल फनीस दनाव
 जब खव लुंया छत्र ब्रम्हान जोनाव ॥ ४ ॥
 रथन्हाक घलचाक तुतुतुलाव वोन
 पृथ्वीस कंपमान रथ न्हाकया बान ॥ ५ ॥
 पुखुलिया ऊंगलाश कोवाक स्वयाव
 स्वस्यचोन लोक पनि थिथी कंपमान ॥ ६ ॥
 थास थ्यन जात्रा न्याल गाहाबाल थ्यन
 स्वस्येवोन लोकपनी थिथि हर्षमान ॥ ७ ॥
 लिस्वयाव जात्राडाल नुगल थ्यनाव
 अलमल कचिंगल बाजन थानाव ॥ ८ ॥
 लगमस माजु उल लोकन स्वयाव

त्रिभुवडा जात्रा डाल लगम थ्यनाव ॥ ९॥
 तंत्रमंत्र कपुली मतजा जोलेया मान
 नगुतिया उपमान मतप्वा तथा बान ॥ १० ॥
 पि स्वयाव जत्रा डाल ज्यावल थ्यनाव
 सीलापात्या पुजा फल भवानी मुनाव ॥ ११ ॥
 गुलि धाय आचा आचलिन बिचार यानाव
 पृथिविस महु जात्रा थुगुली परिमान ॥ १२ ॥

★

राग देवगीरी । चो ।

धन्य धाय विष्णु मल्ल लोक रस ताल
 मंगल जुल हर्षमान ॥ धु ॥
 तेतिस कोति देवलोक रथस डाव सोल
 थास थास बास याना राना संग साथ ॥ १ ॥
 लस पुचा न्हस न्हल पुषु ऊंगतवा हाल रे ॥
 खत आक तोक धुल नुगलस गाक ॥ २ ॥
 त्रिभुवडा सर्ग जात्रा रंगन सना जुयुल रे
 थति बास दस दिन मंगलसा खवाल ॥ ३ ॥
 नव प्रथगन भस्प ज्यावलस तकी उल रे ॥
 सिलापात्त पुजा फल भवानी मुनाव ॥ ४ ॥
 दुर्गा पक्ष वसु दिन जेष्ठ शुक्ल प्रथमसरे ॥
 एकतीस दिन थ्यन समत धुन ॥ ५ ॥
 श्री जय विष्णु मल्लं बुंग साला हया जुग रे ॥
 शंख नारायण धाल मछिंदरनाथ जय ॥ ६ ॥

✽

[सुवर्ण प्वाःस्या, नसंदफा सफू]

राग कोला । प्र ।

लोकनाथ्या सेवा मयाना दोन ॥ धु ॥
 पुरुष जरमस छु पाप याकम्ह
 इह लोकस दुख सिय माल ॥
 करुना दया तस्य याहुने पाप नास रे
 जि पापी उधार ननान । १ ।
 मछिन्द्रनाथ देव क्षमा जि मसव
 मल्ल महिन्द्रया भाव ॥
 ल्हाकम्ह अनाथया आशा छि पालीस रे
 याहुने अनाथ सियाव । २ ।

★

राग रामकली ॥ छमान : धनजति

मछिंदर रथस नीह रामे । परिमान ।
 वसु ब्रम्ह मुष गजे । रूप ।
 नेपाल सम्बत छले । अष्टरा ।
 अनाला मासे । जति ।
 दीनपक्ष प्रथम तिथि मछिन्द्रनाथ । एकता ।
 बुंगन रथ साल । पता ।
 वीर जोग परकाश । लव । धनजति ।
 लोकनाथया जात्राजुल । पस्तिमा ।
 भम दन लोक जुल । रूप ।
 यल देश बिज्यात । अष्टरा ।

स्वंगुलि लोकया ॥ जति ॥

जात्रा यासे बिज्याक आनन्दन चोन । एकताल ।

लोकनाथया जात्र जुल । प्रता ।

जगत बखाने । चालि । । चो ।

जय जय मछिन्द्र जगत बखाने

जगत उद्धार याक मछिन्द्रनाथ ॥ १ ॥

वस ख्वाल स्वयजा सुरज समान

शीलस मतुक शोभा न्हस कुण्डल ॥ २ ॥

शिवमूर्ति जताधारी बिरिंची नारायण ॥

बालख सुन्दर भेस त्रिभुवनया नाथ ॥ ३ ॥

वस चरणस धाल जोग परकास ॥

भगतीम्हयात यास्ये तल प्रतीपाल ॥ ४ ॥

[सुवर्ण प्वाःस्या, नसंदफा सफू]

राग विभास ॥ ताल ॥

हे मछिंदर नाथन सुरज बिनायकन ॥

इस्य थिस्य बसलपु दको देव गणेश ॥

तलेजु हे हा हतासन हररपु नेपालया कुदिन ॥१॥

हे भैरव भवानिन चंगुस नारायणन ॥

श्री बज्र जोगिनीन पुरेयाव ननानं ॥

तलेजु हे हा हतासन हररपु नेपालया कुदिन ॥२॥

पशुपति गुह्यश्वरी जय मंगला बछलान ॥

राजेश्वरी भागेश्वरी न्हाथेयास्य बखान ॥

तलेजु हे हा हतासन हररपु नेपालया कुदिन ॥३॥

अथाहार दुःख वल लोकन त्रास चाल ॥

उपकार बिय तेल बिलम्ब मफाल ॥

तलेजु हे हा हतासन हररपु नेपालया कुदिन ॥४॥

हे रवि कुलमणि सुरज गणया धनी ॥

नेपालमा रणजित मल्ल उधार ननानं ॥

तलेजु हे हा हतासन हररपु नेपालया कुदिन ॥५॥

★

राग बलारी ॥ यक ता ॥

लोकनाथ सिरि करुनामय देव लोकनाथ ॥
 भुवनस बिज्याक नाथ रथ चरलपाव ॥
 हलसीधी गमन सहीत ॥१॥
 रतनया मतुक न्हसस कुन्दल लोल ॥
 मनीमय हालन तीयाव ॥२॥
 स्वव लोकनाथ वम्हनाथ संसालस मदुजोल ॥
 वसपोलया स्येवान उधार ॥३॥
 नरपति जयवीर प्रीथी नारायण देव ॥
 ल्हाकम्ह उधार हतास ॥४॥

★

राग सारंग ॥ चो ॥

लोकनाथया दरसन बिये तेल आव
 छिकेतु जी मन तसे जुया न्हिथ ॥१॥
 अतिन सुन्दर खवाल सिलस मतुक पुल
 तीसे तल मतिकया हाल
 गलस सत्यनाग तल रतनया झाला लोल
 जोसे चोन पले स्वान फोल ॥२॥
 नेपालया राजा जुल प्रीथी नारायण देव
 थव प्रजा यात सुख बिल
 ल्हाकम्ह अनाथ जुल करुनान स्वयतेल
 स्वयाव जी पापी उधार ॥३॥

★

राग सुरथ । प्र ।

गर सुवर्न पुरि अति मुन भल
 रोकनाथ्या भजन यानाओ
 बसलपा चोडा थनि पंदित गुनिगण
 सहजन आनंद यानाओ । १ ।
 पशुपति बागमति गुजेस्वरी
 सरन हे हे हे हे ।
 आ हा हा ओम्हस्यन रक्षा यास्य तर
 थव संसार हे हे हे । धु ।
 डपारया चुरामुनि प्रिथीनारां माहाराजा
 चौदीग ओसया बखान । २ ।
 मछिंदरनाथ थ्यनं ग्वरकनाथ दन
 मन कामना पुरे याक । ३ ।
 ग्वपिनाथ भगओन दरसन याय
 भिमस्यन भयिरब, गणेश, कुमार हे हे हे । ४ ।



राग पेसा । पलीमा ।

श्री करुणामय सुमरन याय । धु ।
 खवाल उन रगत बरन जाजुलेमान ।
 सीलस अम्नीताभ पद्यपानीनाथ । १ ।
 मनिमय भुखन हालन तियाव ।
 गलस सत्यनागराजा जोसा पलेस्वान । २ ।
 नरपति ग्रीवानन्द गति लोकनाथ ।
 ल्हाकम्हन फोसे चोना दास सदान । ३ ।

राग कोला । ताल एक ।

उनजा ह्याउं रथजा वाउं रे ॥ ध्रु ॥

भगतया भाव थमन कयाव
पूजा फयाव बल बियाव रे ॥

रथस चोनाव स्वभा याडाव
बिज्याव न्हाव प्रभुजा आव रे ॥ १ ॥

तलिका माल म्हस तियाव
वसया गल अति शोभा रे ॥

नागया हाल मणि अपाल
स्वयतु माल वसया खवाल रे ॥ २ ॥

रथया चाक घुसुहु न्हाक
सालपि खाक स्वर्कपि ग्याक रे ।

स्वय मगाक मल नं काक
भति मथाक जातरा याक रे ॥ ३ ॥

हेरया माल जाजोत्य मान
केतकि पान वसया स्वान रे ॥

खवालया थान सुर्यया बान
लुंया ज्वनान वसया स्वभाव रे ॥ ४ ॥

स्वानया तत शिलया जत
कपुरि मत मतया तेज रे ॥

व छम्ह खत गतिजा दत
सुर्यया मत क्यनेत दत रे ॥ ५ ॥

धिर्जया मन वस के वन
नुगलन ध्वान वस शरण रे ॥

संसार न्यन व छम्ह न
भावन खत लोकनाथन रे ॥ ६ ॥

राज राजेन्द्र उति देवेन्द्र
बिल महिन्द्रनाथ मछिन्द्र रे ॥

श्री राजेश्वरी जगदीश्वरी
कृपजा थुलि जय ईश्वरी ॥ ७ ॥



श्री राग । जति ।

लोकनाथया सेवा जिनं यानाव जि चोना ॥
 स्वयतेल करुना मिखा जि स्वयाव ॥ १ ॥
 बन्धुदत्त नरीन्द्रदेव राजाया स्वभाव ॥
 हल सीधी भैरव सहित यानाव ॥ २ ॥
 भुवनया अदिपति श्री राजीन्द्र धाय ॥
 चउदीग वसया बखान जुयाव ॥ ३ ॥

★

श्री करुणामय । राग-सिन्हाज्या ।

श्री करुणामय लोकनाथ उधार याहुने । धु ।
 गोरखानाथ भिक्षा फोन वल,
 लोक भिक्षा फोने मबिल ।
 नव नाग तोक पुस्य आसन यानाव,
 हादस वर्ष वा मगाक न्हां । १ ।
 नरेन्द्रदेव व बन्धुदत्त आचार्यन,
 कर्कोटक सहित दन न्हां ।
 मंगल श्री देशस जप तप साधन,
 कमल किसानन कोबल न्हां । २ ।
 राजासके फोनाव लोकनाथ हयाव,
 डिपालस थ्यनकल हल न्हां ।
 गोरखनाथ नं मछिद्रर खनाव,
 आनन्द दरसन यात न्हां । ३ ।
 थुलि स्वयाव नाग राजा वनाव,
 मुसल धारा प्रमानन वा गात न्हां ।
 मन्हि वा गातकाव आहार बियाव
 आनन्द लोक रक्षा यात न्हां । ४ ।

पुसा वा होलाव पुरकाल स्वयाव,
सिन्हाज्या म्हति म्हति यात न्हां ।
सिन्हाज्या धुनकाव श्रावण मासस,
पिण्डपात्र अन्न दान बिल न्हां । ५ ।

बैशाख मासया परूवा दिनस,
रथस दनाव बिज्याक न्हां ।
विरंची नारायण अतिनं हरषन,
लोक उधार यात न्हां । ६ ।

दानया प्रभाव नं अतिपुण्य लानाव
भावन सम्पति जुल न्हां ।
बैशाख मासस लोकनं भालपाव,
थव थव देगु पुजा यात न्हां । ७ ।

वम्हया कृपानं लगन जात्रास,
आसिखा बियाव बिज्याक न्हां ।
सम्बत फिडेगुलि दुर्गा सहितन,
तछलाया एकादसी दिन न्हां । ८ ।

खव मखु स्वव थव खँ पुरुषसेनं,
खने मडु सुयां नुगलस न्हां ।
ल्हाकम्ह श्री रणबहादुर महाविर नं,
लोकनाथया खँ न्यन न्हां । ९ ।

★

राग भगत । जति ।

वने नुयो सखी वम्ह लोकनाथया थास रे ।
लोकनाथया स्येवा याय जि
तन मन स्यवान वियू बरदान रे । १ ।
बरन हेंगुलिया तेज सुरजया
गथिन स्वभा वम्ह नाथया ।
मोलया मतुकस थुन्याव हेलमुनि
छुन्याव तल किकी स्वान रे । २ ।
न्हसस कुंदल रतन जोजल
चन्द्रमा गथोड स्वभान रे ।
गलस नाग बिया तिसाव हालया
रसन रथस दडाव रे । ३ ।
जोनिव पलेस्वान बियुव बरदान
स्वयुव भगत दयान रे ।
करुणा दया तस्ये पाप मोचकुस्ये
बीहुने सुगति तडाव रे । ४ ।
नेपालया स्वामि जुजु प्रजा खना दया दु
केव रे देव अवतार रे ।
ल्हाकम्ह छि स्यबक सोहुने लोकनाथ
याहुने जगत उपकाल रे । ५ ।

राग सिन्हाज्या ॥ चो ॥

श्री करुणामय दरशण याय न्हां ॥ ध्रु ॥
 गोरखानाथ भिछ्या फोन वयाव
 लोकन भिछ्या मबिल न्हां ॥
 नव नाग तोक पुस्य आसन यानाव
 द्वादस बर्ख वा मगाक न्हां ॥ १ ॥
 नरेन्द्रदेवन बंधुदत्त सहितन
 करकोतक सहीतन वन न्हां ॥
 कामुनी नगरस जप ध्यान यानाव
 कमंदलु तोकपुस्य हल न्हां ॥ २ ॥
 राजायाके फोनाव लोकनाथ हयाव
 नेपालस थेनकल हल न्हां ॥
 गोरखनाथन मछिन्दर खनाव
 दनाव दरसन यात न्हां ॥ ३ ॥
 उखुनुया दिनस नवनाग वयाव
 मुसल धारा परमान वा गात न्हां ॥
 वा गाक खनाव आनन्द जुयाव
 लोकया अती हर्ष जुल न्हां ॥ ४ ॥
 बेल काल जुयाव पुसावा तयाव
 लोकन सिनाज्या यात न्हां ॥
 श्रावण मैन्हास अष्टमी दिनस
 पिन्न पात्र अर्न दान यात न्हां ॥ ५ ॥

राग बलारी । ताल प्र ।

ललीता ललीता पुरी नगर यागु
 खँ ल्हाइ मुनान ।
 व देसया जतरा नाथ मछिद्र दको लोक
 रसन दन्याव । १ ।
 पीथन यल देस चाकल उलाव बिज्याक
 थीरन सदान
 गुनीलाया भगवान बिज्याक थायस दान याक
 लोक मुनाव । २ ।
 ल्हाकम्ह निरगती मबिले दइवन मबिले
 थीरन सदान
 श्री जय राजीन्द्र विक्रम शाहदेव प्रजापति
 पाल याडाव । ३ ।

॥ मछिन्द्रनाथ ॥

सरण मछिंदरनाथ जय जय ॥ धु ॥

नाथ मछिंदरया चरणे ध्यान सील तथा हान
कमल विराज मनिकया तेज सुरज समान
कोखास्य सते नाग लोव छिके म्हस
बानजा अति लुया थिकरे ॥ १ ॥

छवाल हेंगुलिया मिखाजा पलेहल
मतुक जुल केटुकीन रे
कमल आसन थौरजा महु वस
बानजा महु व समान रे ॥ २ ॥

नाथ मछिंदर छिपाली संसारया
अबला गती छि चरण रे
ल्हायजा मफु छिगु गुण शेष नाग
सहश्र महुतु जुलम्हन रे ॥ ३ ॥

साल नेपालया बरख सशी खन
दुर्गा सहित सहितन रे
ल्हाकम्ह सोयतेल करुणा सुदृष्टिन
याहुने उदार ननान रे ॥ ४ ॥

रागश्री । ताल प्र ।

लोकेश्वर करुणामय सुवर्णया भूमिस
रसन बिज्याक थिर ॥ धु ॥

दिनया दिनानाथ रात्रीया चन्द्रमा दीप
धरमया साछि जुल सत्यन सहितस्य ॥ १ ॥
ल्हामुचिया भगवान धर्मया राजा जुल
बज्र बिल महाकाल भैरब नाथ ॥ २ ॥

विश्वरूप अवतार सहसर भुज नाम दन
संसारया भारा कासे बिल मुगुति ॥ ३ ॥
शाक्यासह मुनि जुसे कमल आसन यास्ये
फल बिल धरमया चरणस बास ॥ ४ ॥
अरुनाया मनि जुमे आर्यतारा जननीन
नरया मन तसे बिब बरदान ॥ ५ ॥

महामाया व्छास्कामिनी देबलोक मुनकाव
अजिस्ति लोकायात रक्षा यासे थम नं ॥ ६ ॥
भगतया मन जुल सम्यकिन दान मन
वर बिब रतन सुबरन दान ॥ ७ ॥

गणेश कुबेर प्रभु ल्हाकम्ह साथ जुसे
भावया थिर बिसे परसामानि बिसे ॥ ८ ॥
कान्तिपुर नगरया श्री राजेन्द्र विक्रम सहाय
गुसल पियच्यास श्रावण कृष्ण त्रयोदसि ॥ ९ ॥

राग जयश्री । ऊ ।

याव लोक दीपदान आरती च्यानाव लोकनाथया ।
 चरण कमल जुगल वसया सुज्य नीकोती देव रे ।
 बंधुदत्त नरीन्द्र देव राजाया स्वभाव थे । १ ।
 ब्रम्हा बिष्णु संकर आदि देवराज शंगन
 निते २ हाथजोरी बंधन यानाव लोकनाथया । २ ।
 भुपतीन्द्र श्री राजेन्द्र शाहया सुसंगल ।
 विस्वहर्ष जय भजलप्य याव बिनास पापया । ३ ।

राग स्वरथ । प्र ।

आशा जी लोकेश्वर छि पालि पल्यया
 लषलप्य अनाथ जी स्वया धु ।
 सुन्धरी राक्षसिनिया रूपन बसे ओन ।
 ओन जी सिंहल स्वयाओ ॥
 ओना ओना थास ओना लतिकर मत जुया ।
 थओ रूप दरशन बिया । १ ।
 बाराह सर जुया दक्क लोक म्हस तथा ।
 समुदर तरे याना हल ॥
 मायान लितु स्वया सर म्हन कुतिओन ।
 थओ नाला यन लित बोना । २ ।
 छलपोलया नाम कास्य चरणसं भोक पुस्प ।
 सिंहर छम्ह छे लिहा ओर ॥
 दयान जुजु जुया धम्मस लोक तथा ।
 धन्य २ लोकनाथ धाय । ३ ।
 चरण रंग गुंया बर्ष थव नेपालया ।
 फुतकिओ पाप मती लोकया ॥
 ल्हाकम्हन ल्हास्यतया दुन थास क्षेमा यास्य
 नरपति श्री राजेन्द्र धाय । ४ ।

। राग पद्म ।

सिलस कितकी स्वान कुंदल हेल मनिक ।
 गलस रत्न माला कोखा ॥
 कपालस तिस्य तथा सुरजया तेजा थिक ।
 याओ जित उधाल न्हां । १ ।
 खाल उन हंगुलि मिखावान पत्येहल ।
 छुस्यतल चन्द्र सुर्य ॥
 अभिताभ सीलस तस्य पलेस्वान जोसा यास्य ।
 याओ जित उधाल तास । २ ।
 जओस बन्धुइस्त खओस नलिन्द्र राजा ।
 न्हेओस ललित जुल ॥
 कोखास्य बालसूकि गस्य कर्कोतक ।
 याओ जी उधाल ताल । ३ ।
 गुसल ग्हुगु बंसाख कृष्ण पक्ष ।
 रथ जिर्न जुया ओन ॥
 दको लोक हाहाकाल मिखासं खोबी तस्य ।
 संसार गये जुई धाल । ४ ।
 जीर्न उधाल याना दोल कोति जप ध्यान ।
 यातकाओ सिद्ध जुल ॥

धन्य धाय लोकनाथ रथस बिज्यानाव ।
 रसन बुग लिहां बिज्याक । ५ ।
 नेपालया छत्रपति श्री सुरेन्द्र महाराज ।
 याओ प्रजाप्रति पाल ॥
 ल्हाकम्हनं ल्हास्य तल दुना थास क्षेमा यास्य
 नरपति श्री जंगवाहादुर । ६ ।



राग बसंत । प्रीति

राग बसंत । प्रीति

हे हे लोकेश्वर बिब जित दरसन आव ।
बिब जित दरशन आव छि अती स्वभा लाके ।

हादे खवाल अति सुन्धर पल्येहल मिखाबान ।

लुया मतुक सील पुस्ये

न्हसस कुंदल थोक तीसा अति बान लाक ।

सत्यनाग गलस कोखास्ये । १ ।

ल्हाकम्हया मती उती छि चरण भजलपा ।

पालीकोस तिव जित बास ।

लोकनाथया चरणसं भजननी याय ।

धव ताल मृदंग थाडाव । २ ।

नव गुया सागर प्रिथिवी संवत जुल ।

माघ शुक्र पंचमीया तीथि ।

भुपती महाराजा श्री जय सुरीन्द्र ।

जुग जुग राजा जुय माल । ३ ।

(४९)

★

(३६)

भजन

कनक मतुक केतकि स्वान करुणस
कुण्डल लोव रे ।

करुणामय प्रभु करुनानिधान करुणान स्वव

जि अनाथ । धु ।

अरुनया उन जुसे अभितम अशिरेतसे अभय

बरदान बिसे ।

अनाथया नाथ जुसे अमोघ पास जुसे आसन

वया जि अनाथ । ५ ।

मनिमये तिलहिल संत उन तेजथिक मनिमये

हालन तियाव

मछिन्द्रनाथ प्रभु मनया स्वरूप मनोरथ

पुरे याय माल । २ ।

सुन्दर सुरक्षण स्वभायमान सुखावती

भुवनया नाथ ।

सुदृष्टिन स्वव प्रभु व बेलस करुणानं

सुखावति बोना यने । ३ ।

रसन हरसन ललितापुरी रथस दनाव

विज्याक ।

रस गज रत्न सालया धनी सुरेन्द्र विक्रम

शाहदेव । ४ ।

★

(३७)

राग विमास । एक ताल ।

बिनति न्यहुने नाथ श्री करुणामय नाथ । धु ।

नक न्हापां छि भजन याय मफु थव देहनं

महा पासं हिना जित चीन ।

ननानं थव पास फेना छलपोलया थास

बोनातिव । १ ।

मोह माया तोक पुस्य महाजालस जि केन

महा भय जक जित जुस्य ।

मनुष्यया गुलि दुख फुतकाव बियेमाल सुख । २ ।

बारंबार छि भजन याय मफु जि पापीन

अंदोलन जुको जित जुल ।

बालख जि मचायात बारंबार बियेमाल सुख । ३ ।

गिनावन उफोस्वानं माया मदु सुनान

ब्यरथन फुत थो जनम ।

गिना वना व्हने आव छलपोलया शरण

जि दुकाव । ४ ।

स्वल वने मालि जिन जन्मयागु सास्ती अन ।

छि भजन याय मफु थन ।

स्वव जित व बेलस सुदृष्टि करुणा तयाव । ५ ।

लाहा निपा जोलपा याय जिन न्हापा

दरशन छिगु पालि निपा ।

लातकिव सुखावति करजोरि बिनति कोति । ६ ।

यनि जुल छन्हुया दिनस जन्म राजाया सभास

पन्य मफया यनिगु बेलस

यव जित व बेलस थव मचा भालपाव

छिगु थास । ७ ।

लोकस्यन फोन गुलि दया दुम्ह छलपोल

जितनं उधार याय माल ।

ल्हाकम्ह अनाथ जन जुग जुग जुल छिके शरण । ८ ।

कुम्हा ख्वाल गज रत्न नेपाल सहकाल

दिला पाहु सोमवार तिथि ।

थव बेलस राज्यया धनी श्री सुरेन्द्र चक्र

चूडामणि । ९ ।

★

राग कौसी । चा ।

यषीया यल करुणामयया आरती जीन याय ।
 यखीया यल नमस्कार याय जीन बुद्ध धर्मसंग ॥
 मन तस्य याय जीन बुद्ध धर्मसंग । १ ।
 यखीया यल बारंवार छि चरणयास्य चोना ध्यान
 गीलीलीली पासा मुना गीत बादे याय । २ ।
 यषीया यल स्वयेनतु स्वये मगाक छलपोलया रूप
 लाय धका जुयाजीन छि पालीया ध्यान । ३ ।
 यषीया यलयले वने यले जीचोने छलपोलया ध्यान
 ल्हाकम्हया तन मन दोन क्षेमा याव । ४ ।

[बिष्णुलाल ताम्राकार]



राग पंचम । ज ।

लोकनाथया दरसन याय गथिन जुल आव ।
 त्रिभुवनस मदु जात्रा केनाव बिज्याक । १ ।
 ललितापुलि तोलताव बिज्याक ज्यावलस ।
 जोगीनि भोजन याक लोकया तव रस । २ ।
 दको लोक मोह जुल वसया कृपान रे ।
 कामुनि बिज्याक थास लोक तव रस रे । ३ ।
 भगति भाव दवम्हया लछेपति लाक ।
 ज्यावलस दको लोक तोलताव बिज्याक । ४ ।
 छलपोलया महिमा ल्हाकम्हन मसिक ।
 लोकनाथ पद जुग पद पंकज स्यवा । ५ ।



राग स्वरथ । ज ।

लोकनाथ परम आनन्दं बिज्याक रथस दनाव ।
 पेगुली दिगस पेम्ह भइरब तस्य ।
 मदेश नाग राजा सहितन हरखन बिज्याक । १ ।
 ब्रम्हा विष्णु महेश्वर स्वमन छम्ह जुस्य
 तेतीसकोती देव सहितन हरसन बिज्याक । २ ।
 स्वंगुली भुवनया अधिपति विश्वरूप ।
 महा प्रभु अवतार गुन ग्यान बुधी सागर । ३ ।
 ल्हाकम्ह जि अग्यानीन ल्हाय मफु छिगु गुन
 चरन सरन बिब छलपोल कृपा तयाव । ४ ।



राग स्वरथ । ज ।

लोकनाथ परम आनन्दन बिज्याक रथस दनाव ।
 पेगुली दिगस पेम भइरब तस्य ।
 मदेश नाग राजा सहित हरखन ।
 बिज्याक रथस दनाव... । १ ।
 ब्रम्हा विष्णु महेश्वर स्वमन छम जूसे ।
 तेतिसा कोति देव सहितन हरखन ।
 बिज्याक रथस दनाव... । २ ।
 स्वंगुली भुवनया अदिपति विश्वरूप ।
 माहाप्रभु अवतार गुन ज्ञान बुद्धिया ।
 बिज्याक रथस दनाव... । ३ ।
 ल्हाकम्ह व अज्ञानिन ल्हाय मफु छिगु गुन ।
 चरन सरन बिब छलपोल कृपा तयाव ।
 बिज्याक रथस दना व... । ४ ।



राग विभास । ताल जति ।

धन्य धन्य करुणामय करुणा खानी । ध्रु ।
हे सुन्दरी राक्षसनीया रूप स्वस्य वना थास
रतिकर मत जुस्य उपदेश जुल । १ ।
बाराह सल जुस्य दको लोक म्हस तस्य
समुदर पार थ्यनका दरसन बिल । २ ।
दको पासा मायान लिस्वयाव कुतुं वन
लोकनाथया नाम क्या जि एकान्त थ्यन । ३ ।
वसया दयान जि सिंहल नाम जुजु जुल
लोकनाथया नाम काय स्वव लोक पंच । ४ ।
धन जन संसार अथिर थ्व भालपाव याव लोक
उपोषध व्रत अष्टमि भाव मोक्ष बास लाइ । ५ ।
ल्हाकम्हया करजोरी नमो नमो रत्न त्रयाय
जगत संसार यात याहुने उद्धार । ६ ।



राग बान्हमासि । ताल जति ।

लोकनाथ बिओ जित ज्ञान बरदान ।
अतिन सुन्दर खवाल, अरुण समान । ध्रु ।
आभताभ तथागत सिरस तयाओ ।
लोकनाथ बिओ जित ज्ञान बरदान । १ ।
होया च्वन पलेस्वान हल मिखा बान ।
सुरजथ्ये थिक लुंया चि तियाओ । २ ।
अनेग रत्न मानिक तिसानं तियाओ ।
ततह्याउगु वांउगु स्वान सिलस तयाअ । ३ ।
पुन्य लछिमया स्वामि राज्य प्रकाश ।
पुजा यात ओल बिब थम्हमचा भालपाओ । ४ ।



जय बुद्ध राग पद्मजलि । जो ।

जय नम बुद्ध गुरु श्री स्वयम्भु ज्योति रूप
महतारी गुह्यश्वरी माइ ।

श्री करुणामय संसारया प्राणेश्वर
ओस याके शरण जि आशा । १ ।

राज्य समस्त तोलताओ फकिरया भेस कया,
कायकुञ्ज नगरस थ्यत ।

अय प्रिय सुदरसना न्यओ जिगु बचन,
हथ्य जुया चोन्य मते रानि । २ ।

लोकनाथया नाम कास्य उपोषध वर्त यास्य ।
धर्मया कथा फिजि न्यड ।

नुयो प्रिय सुदरसना फिफि देस ओड,
त्रिरत्नया नाम कास्य ओड । ३ ।

धरमया व्याख्यान नेपालया वर्ष सिस्य,
नुयो रानी सुखावति ओड ।

ल्हाकम्ह करुणान स्वयतेल सुदृष्टिन,
दोन थास क्षेमा याये माल । ४ ।



करुणाम ताल राग चो ।

करुणामय धका धाओ सदानं । धु ।

कमल वदन रूप कमल निकास्य ।
केल्येहन कोमलन स्वओ करुणानं । १ ।

लोह दन हस रूपं रत्नया माल ।
लोक नाथया दरशन जर्मया सार । २ ।

नागराजा बालसुकि ज्वता सोभा नाक ।
नाम कया निमितिनं पाप दक्क फुक । ३ ।

मनुष्यया गति पति मडु ओस थीर ।
मन न भालपाथ्ये बिओ बरदान । ४ ।

याकतयाम मडु ओस सकल भिन ।
यक मन याय माल स्यवा ओस थील । ५ ।



राग श्यामवलि । ताल जति ।

बुद्ध धर्म संघ याके कर जोरी आरति । धु ।

जय नमो श्री स्वयम्भु पञ्चबुद्ध सप्तमुनि ।

जगत संसार यात रक्षा याय माल । १ ।

जय नमो गुह्येश्वरी संसारया महातारी ।

दुखि जि अनाथ माम रक्षा याय माल । २ ।

जय नमो लोकनाथ करुणामय सकल देव ।

लहाकम्हया दोन क्षमायाना मोक्ष छोय माल । ३ ।

